

Gvangjsih Minzczu Bau

Cawjguen: Gvangjsih Bouxcuengh Swcigh Minzczu Cunghgyau Swvu Veijyenzei Cawjbanh: Gvangjsih Minzczu Bause Geiz neix 8 banj
Aenhauh okbanj: CN45-0036 B.2024 Nd.3 Ng.27 Liggaueq gyapsaenz nienz ndwenngaih cibbet Geizsoq: Gungh daih 3615 geiz

《Siz Ginbingz Lwnhgangj Hong Ginh-yungz Yaebbien》Okbanj Fathengz

Sinhvazse Baeking 3 nyied 24 hauh dien
Cek saw《Siz Ginbingz Lwnhgangj Hong Ginh-yungz Yaebbien》Cunghgyau Cunghyangh Dangisij Caeuq Vwnzyen Yenzgiuyen bien haenx, mboengqneix youz Cunghyangh Vwnzyen Cuzbanjse okbanj, youq daengx guek fathengz.

Ginh-yungz dwg gij meglwed gozminz ginghci, gvanhaeh daengx buenz hwnqguh yiengh yendaiva Cungguek. Cibbet Daih Dangj doxdaeuj, Dangj-cunghyangh aeu Siz Ginbingz dungzci guh goek de daj canloz daengx buenz haidin, gyagiengz cienzmienh lingjdauj caeuq dungjcouz maeuzveh hong ginh-yungz, doidoengh ginh-yungz saehnieb hwnqfat aeundaeh cingzcik hungnaek moq, gaenxmaenx damqra gij gvilwd hwnqfat ginh-yungz seizdaih moq,

mboujduenh gyalag roxyiuj gij bonjcaet ginh-yungz sevei cuji miz daegsaek Cungguek, mboujduenh doicaenh ginh-yungz saedguh cauhamoq, lijn cauhamoq, cidu cauhamoq, cugyamq byaij ok diuz roen hwnqfat ginh-yungz miz daegsaek Cungguek ndeu. Siz Ginbingz dungzci doiq gij lijn hung-naek caeuq saedguh vwndiz ginh-yungz saehnieb hwnqfat guh ok baenzroix lwnhgangj youqgaenj, laeb' eiq sang gyae, neihanz lai, ngeixnaenj laegdaeuq, hawj dangj raeuz roxyiuj gij gvilwd bonjcaet hong ginh-yungz caeuq diuzroen hwnqfat ndaej daezswng daengz diegsang moq, dwg gij cauhamoq cwnzgog youqgaenj Majgwzsw h cuji cwngei ginghciyoz gvendaengz ginh-yungz vwndiz, cauhaenz biencieng ginh-yungz gij swhsiengj

ginghci Siz Ginbingz, doiq seizdaih moq roenloh moq laemxsim mbouj bienq byaij diuzroen hwnqfat ginh-yungz miz daegsaek Cungguek, doicaenh ginh-yungz hwnqfat ndei saed, gyavaiq hwnqguh aen guek ak ginh-yungz, gunghawj ginh-yungz cengjdingx rengzrdw cienzmienh doicaenh hwnqguh aen guek ak, minzczu fukhwng hungmbwk, miz yiyouqgaenj.

《Lwnhgangj Yaebbien》faen 10 aen ciendaeh, gungh gyonj 324 duenh lwnhgangj, daj gij baugau, gangjavah, gangjmingz, yienjgangj daengj 120 lai bien vwnzyen youqgaenj Siz Ginbingz dungzci 2012 nienz 11 nyied daengz 2024 nienz 2 nyied duenh seizgan neix aeu daeuj. Ndwade mbangj lwnhgangj dwg baeznduj goenghai fatbiuj.



Sanhgyangh:

Cin Daengz Mbanjdung Nyaengq Guh Caz

Geij bi neix daeuj, Sanhgyangh Duncuz Swciyen haenqrengz hwnqguh aen dieg ndaem caz, gyavaiq vuenhmoq gocaz ndei, hawj canjnieb caz Sanhgyangh hwnqfat ndei saed. Daengz seizneix, daengx yienh ndaem caz najdieg daengz 21.5 fanh moux, dak caz hawq bi ndaej ca mbouj lai 2 fanh dun, bi gai dij cienz 86 ik maenz. Ndw doz dwg gyoengqvunz cingq nyaengq dak caz.

(Gungh Bujangh ingi)

Gvangjsih Bi 2024 Bujdungh Gauhgauj Seizgan Dinghcinj

Mboengqneix, Swcigh Cauhswngh Gaujsiyeen fatbough goenggauq, Gvangjsih bi 2024 bujdungh gauhgauj seizgan dinghcinj dwg 6 nyied 7 hauh, 8 hauh, 9 hauh 3 ngoenz.

Mboengqneix, Gyauyuzbu fatbough 《Gij Gvidingh Hong Ciuseng Bujdungh Gauhdwngj Hagdangz Bi 2024》, dinghmingz bi 2024 gauhgauj dungjgauj youq 6 nyied 7 hauh hainduj gauj, caemhcai gvidingh gohmuz lawz seizlawz gauj, aeu gangj

cingcu dwg, ndaw aen gvidingh neix “6 nyied 8 hauh 9:00 daengz 11:30 vwnzgoh cunghab/lijgoh cunghab” dwg gaujsi anbaiz aen sengj caengz saedhengz gauhgauj gaijmoq de, Gvangjsih youq duenh seizgan neix anbaiz gauj vuzlij caeuq lizsij 2 loh gohmuz senjdaez.

Daj bi 2024 hainduj, Gvangjsih bujdungh gauhyau ciuseng dungjyiz gaujsi saedhengz “3+1+2” vunqsik, baugvat 3 loh daengx guek dungjyiz

gaujsi (genjdanh heuh “daengx guek dungjgauj”) gohmuz caeuq 3 loh bujdungh gauhcungh yozyez suijbingz senjleah gaujsi (genjdanh heuh “leh gauj”) gohmuz. Ndwade, daengx guek dungjgauj gohmuz dwg yijvwnz, suyoz, vaiyij (Yinghyij, Yizyij, Ngozyij, Fazyij, Sihbanhyazyij caih leh loh ndeu) 3 loh, youz Gyauyuzbu dungjyiz ok daez, ciuq Gyauyuzbu ndaw 《Gij Gvidingh Hong Ciuseng Bujdungh Gauhdwngj Hagdangz Bi

2024》gvendaengz gohmuz gaujsi seizgan anbaiz cujiz gauj. Leh gauj gohmuz youz gaujseng daj vuzlij caeuq lizsij 2 loh gohmuz senjdaez caih leh loh ndeu, daj swhsiengj, cwngei, deihleix, vayoz, swnghvuzyoz 4 loh leh 2 loh dem. Leh gauj gohmuz youz Gvangjsih gag ok daez, caeuq daengx guek dungjgauj gohmuz gaujsi caemhseiz anbaiz.

(Liuz Ginz Maj Haijcinz)